

**ZAPISNIK SA 53. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 23.04.2019. GODINE**

Prisutni: D. Smital; E. Čengić; Dž. Kahrica; G. Brkić; M. Grbo; N. Žuga; M. Herac; D. Miljević; E. Fočo; M. Baručija; N. Arnautović; M. K. Pašalić

Odsutni: E. Agić; B. Hamzagić; O. Bukić - **opravdano**

Dnevni red:

1. Zapisnik sa 52. sjednice
2. Aktuelna situacija u BHRT-u
 - Pravilnik o ocjenjivanju
 - Topli obrok
 - Usluge restorana
3. Sindikalni izlet
4. Finansije (D. Karšić)
5. Ugovori
 - Adriatic
6. Dodjela pomoći (N. Žuga, G. Brkić, M. Grbo)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, u 12.37 sati otvorio 53. sjednicu UO SSR u BHRT-u i predložio dnevni red. Dnevni red je jednoglasno usvojen kao i zapisnik sa 52. sjednice.

AD 2. Dž.Kahrica je izvjestio UO da je 02.04.2019.godine održan sastanak delegacije sindikata sa generalnim direktorom u skladu sa zaključkom sa 52. sjednice UO Sindikata. Na sastanku su pored generalnog direktora prisustvovali Dženita Jusufbegović, Dzermal Kahrica, Elvis Čengić, Mustafa Baručija, Ekrem Agić, Omer Bukić i Ismeta Hodžić. Tema sastanka su bile organizacione cjeline koje su „na preispitivanju“ u radnoj verziji reorganizacije BHRT-a koja je dostavljena sindikatu. Generalni direktor je istakao da se sa ovim prijedlogom ide na to da se objedine pojedine organizacije i da cilj menadžmenta nije da bilo kojeg uposlenika ostavi bez posla, jer je prijedlog o preispitivanju pojedinih organizacija urađen po posljednjem revizorskom izvještaju. Svi prijedlozi o preraspodjeli poslova će se uraditi u skladu sa kvalifikacijama radnika, ako uopšte dođe do toga. Sindikat će biti blagovremeno obavješten o svim daljnjim aktivnostima po ovom pitanju.

D.Smital je izvjestio UO da je sindikatu upućen prijedlog Pravilnika o ocjenjivanju i da predlaže da sindikat ne daje mišljenje, dok ne dobije i Pravilnik o napredovanju, obzirom da bi se ova dva pravilnika trebala razmatrati zajedno. Nakon kraće rasprave, ovaj prijedlog je jednoglasno usvojen.

D.Smital je uputio dopis advokatu Plećanu u vezi odluke Vijeća ministara za topli obrok kao i visine dnevnice za put. U odgovoru advokata stoji: „Navedena odluka o toplom obroku se odnosi na zaposlene u institucijama BiH koje se finansiraju iz Budžeta Bosne i Hercegovine a Vaš servis se ne finansira iz Budžeta. Međutim, ukoliko je u Pravilniku o radu ili u Pravilniku o plaćama Vašeg servisa određeno da će se visina naknade za ishranu određivati u skladu sa visinom naknade za ishranu za zaposlene u institucijama BiH ili na osnovu odluke za ove zaposlenike, onda se možete pozvati na pravilnik. Uredbom o naknadama troškova za službena putovanja („Službene novine Federacije BiH“, broj: 44/16) određena je visina dnevnica za službena putovanja u zemlji i inostranstvu (član 5.). U skladu sa ovom uredbom visina dnevnice iznosi 25,00 KM za službena putovanja u zemlji, a za inostranstvo posebno je određena visina za svaku zemlju. Vlada Federacije Bosne i Hercegovine nije još objavila izmjene ili dopune navedene uredbe kojim bi se povećala visina dnevnica za službena putovanja, te ukoliko ih poveća tim aktom će ih povećati.“

Uvidom u Pravilnik o platama i naknadama BHRT-a je utvrđeno da se odredbe vezane za visinu naknade za ishranu ne određuju u skladu sa visinom naknade za ishranu za zaposlene u institucijama BiH ili na osnovu odluke za ove zaposlenike.

Prijedlog rukovodstva sindikata je da se uputi dopis menadžmentu o povećanju toplog obroka obzirom na finansijsko i socijalno stanje radnika u BHRT-u kao i cijenama u restoranu društvene ishrane u RTV domu. Ovaj prijedlog je jednoglasno usvojen.

Obzirom da restoran u RTV Domu u danima vikenda radi do 18 sati kao i zbog usluga i cijena u istom, dogovoreno je da na prvom sljedećem sastanku sa menadžmentom, rukovodstvo sindikata traži rješavanje ovog problema obzirom na veliki broj radnika koji radi u smjenama i turnusima.

Rukovodstvo sindikata je održalo sastanak sa predstavnicima Unicredit banke na kojem je sindikat informisan da uposlenici BHRT-a kod Unicredit banke mogu aplicirati za odobrenje kredita bez sudužnika. Jedini kriterij je individualna kreditna sposobnost i kreditna historija. Svi uposlenici mogu ponovno aplicirati za dobijanje kreditnih kartica kao i odobravanje limita do 5 ličnih dohodaka.

AD 3. Rukovodstvo sindikata je predložilo da se sindikalni izlet organizuje sredinom juna (15.06.) i da do sljedeće sjednice E.Čengić i Dž.Kahrica prikupe informacije i dostave UO prijedlog organizacije izleta. Ovaj prijedlog je jednoglasno usvojen.

AD 4. Blagajnički izvještaj za mart 2019. godine je primljen k znanju.

AD 5. Adriatic izvještaj za mart 2019 je primljen k znanju. Dž.Kahrica je izvjestio UO Sindikata da je održao sa E.Čengićem sastanak u Adriatic osiguranju u vezi produženja ugovora koji ističe početkom maja mjeseca. Dogovoreno je da se svim članovima sindikata odobri registracija vozila do 12 mjeseci bez kamata uz dodatno besplatnu Adriatic pomoć na cesti. Ugovor će biti pripremljen za potpisivanje krajem aprila mjeseca.

AD 6. D.Smital je predložio da se mandati komisija za dodjelu finansijske i pravne pomoći produže do formiranja novih komisija u novom sazivu UO Sindikata. Ovaj prijedlog je jednoglasno usvojen. Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec april dobiju sljedeći članovi: Vehid Pleh 300 KM, Boris Pavlović 500 KM (I dio), Edin Huremović 300 KM (I dio), Uzeir Duraković 100 KM, Muniba Šehić 200 KM. Ukupno 1400 KM. Prijedlog komisije je jednoglasno usvojen.

53. sjednica je završena u 13.09. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital